



ՀԱՆՐԱՊԵՏԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄՆԻ ՏԱՎՈՒՇԻ
ՏԱՐԱԾՔԱՅԻՆ ԲԱԺԻՆ

Ո Ր Ո Շ ՈՒ Մ № 08/102/21-ՎՏ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

06.09.2021 թվական

քաղաք Իջևան

Բնապահպանության և ընդերքի տեսչական մարմնի Տավուշի տարածքային բաժնի պետի ժամանակավոր պաշտոնակատար Սարգիս Մախյանս, քննության առնելով Գրիգոր Արարատի Բաղրամյանի կողմից թույլ տված վարչական իրավախախտման վերաբերյալ նյութերը՝

Պ Ա Ր Զ Ե Ց Ի

2021 թվականի օգոստոսի 23-ին ստացվել է Հայաստանի Հանրապետության ոստիկանության Տավուշի մարզային վարչության Նոյեմբերյանի բաժնի հետաքննության գծով տեսուչ, ոստիկանության լեյտենանտ Ս.Մամյանի կողմից 13.08.2021 թվականին կայացված «Քրեական գործ հարուցելը մերժելու մասին» որոշումը, համաձայն որի Տավուշի մարզի Իջևան քաղաքի բնակիչ Գրիգոր Արարատի Բաղրամյանը 2021 թվականի հուլիսի 29-ից 30-ը ընկած ժամանակահատվածում ապօրինի ձեռք է բերել 1.644 խմ վառելափայտ, որը օգոստոսի 3-ին տեղափոխելիս է հայտնաբերվել է ոստիկանության աշխատակիցների կողմից: Գ.Բաղրամյանը իր գործողություններով քննությանը պատճառել է 59.184 ՀՀ դրամի նյութական վնաս, որը վերջինիս կողմից չի վերականգնվել:

Հետաքննության մարմնի կողմից 13.08.2021 թվականին որոշում է կայացվել «Քրեական գործ հարուցելը մերժելու մասին» և մեկ օրինակն ուղարկվել է բնապահպանության և ընդերքի տեսչական մարմնին՝ Գ.Բաղրամյանին վարչական պատասխանատվության ենթարկելու հարցը քննարկելու համար:

ԲԸՏՄ Տավուշի տարածքային բաժնում հարուցվել է վարչական վարույթ, գործի քննությունը նշանակվել է 2021 թվականի սեպտեմբերի 6-ին, ժամը 11.30-ին, ինչի վերաբերյալ Գ.Բաղրամյանը պատշաճ ծանուցվել է, սակայն չի ներկայացել և գործի քննությունը հետաձգելու մասին միջնորդություն չի ներկայացրել:

Վարչական իրավախախտման գործի քննությամբ հիմնավորվել է, որ Գրիգոր Արարատի Բաղրամյանը վառելափայտը ապօրինի ձեռք բերելով և տեղափոխելով թույլ է տվել ՀՀ Անտառային օրենսգրքի 60-րդ հոդվածի «ը» կետով նախատեսված անտառային օրենսդրության խախտում, այն է՝ անտառային հողերն առանց թույլտվության օգտագործելը, այդ հողերում ծառերն ու թփերն արմատախիլ անելը, ճանապարհների, խողովակաշարերի, շենքերի և շինությունների կառուցումը, հանքերի շահագործումը, բնափայտի մթերումը և այլ նպատակներով օգտագործումը, անտառային տարածքներն ինքնակամ զավթելը., որի համար նախատեսված է վարչական պատասխանատվություն՝ Վարչական իրավախախտումների վերաբերյալ Հայաստանի Հանրապետության օրենսգրքի 65-րդ հոդվածով /Հատատեղի օգտագործման, բնափայտի մթերման ու դուրս բերման սահմանված կարգը խախտելը, ապօրինի ձեռք բերված անտառանյութը տեղափոխելը/: Գ.Բաղրամյանի արարքը հիմնավորվել է «Քրեական գործ հարուցելը մերժելու մասին» որոշումով, վարչական իրավախախտման վերաբերյալ թիվ 08-093 արձանագրությունով և այլ փաստական հանգամանքներով:

Ելնելով վերոգրյալից և ղեկավարվելով Հայաստանի Հանրապետության «Անտառային օրենսգրքի» 60-րդ հոդվածի 2-րդ կետով, Վարչական իրավախախտումների վերաբերյալ օրենսգրքի 37 հոդվածի 2-րդ մասով, 65-րդ, 242-րդ և 267-րդ հոդվածներով՝

Ո Ր Ո Շ Ե Ց Ի

1. Գրիգոր Արարատի Բաղրամյանի նկատմամբ նշանակել վարչական տուգանք՝ սահմանված նվազագույն աշխատավարձի հարյուրապատիկի չափով՝ 100.000 (հարյուր հազար) Հայաստանի Հանրապետության դրամ:
2. Սույն որոշումն օրինական ուժի մեջ է մտնում Գրիգոր Արարատի Բաղրամյանին հանձնելու/հանձնված լինելու/ հաջորդող օրվանից:
3. Սույն որոշումը կարող է բողոքարկվել վերադասության կարգով՝ տեսչական մարմնի ղեկավարին կամ դատական կարգով՝ Հայաստանի Հանրապետության Վարչական դատարան՝ որոշումը հանձնելու (հանձնված համարվելու) հաջորդող օրվանից հետո՝ մեկամսյա ժամկետում:
4. Որոշման օրինական ուժի մեջ մտնելու պահից մեկամսյա ժամկետում վերջինս չբողոքարկվելու դեպքում այն դառնում է անբողոքարկելի և ենթակա է հարկադիր կատարման:
5. Սույն որոշմամբ սահմանված տուգանքը վճարել Հայաստանի Հանրապետության պետական բյուջե՝ 900005024063 հաշվին:

Բաժնի պետի ժամանակավոր
պաշտոնակատար



Ս.Մախչյան

